

浓浓上海闲话 唯有新民晚报

雪花膏忆旧

文 / 程乃珊

雪花膏，一个交关中国交关文艺个名字，伊老容易让阿拉回忆起阿娘搭外婆个老式三面镜个梳妆台浪，一只绿盖头白瓷身个小瓶头，只是现在勿大有人用甬个名字了。讲实在，“雪花膏”迭个名字要有味道多了。雪花膏是舶来品，《红楼梦》里阿拉根本寻勿着雪花膏个影子，勿晓得林妹妹宝姑娘是哪能保护皮肤个，听我外婆讲，伊拉小辰光拉绍兴乡下，冷天界揩好面以后，就用点猪油搨拉面孔浪，一样可以令皮肤雪白粉嫩。自从有了雪花膏，中国女人个梳妆台浪，涂上了一层现代个色彩。

雪花膏作为舶来品，早百多年前，美国旁氏、英国夏士莲、德国妮维雅啥洋护肤品已经登陆上海，甬种白雪雪个带香味个洋膏药当然价钿昂贵，一般极少人用得起。上海开埠后，西方生活方式随之进入。女学兴起，女性开始进入社会。上海女性特别注重仪容仪态，甬个是因为上海个职业女性群体个数目为全国之首，伊拉个一举一动无形中令女学生乃至家庭主妇纷纷看样学样。从纺织女工到公司女白领，侪会自觉恪守甬一点，但甬搭讲个仪容并非是浓妆艳抹，显得风尘味十足。其实当时有交关大机构侪有明文规定，女职工要穿深色宽身旗袍，鞋跟勿能超过一定个高度，勿可以浓妆，但需平头正脸。

坊间俚语讲：一白遮九丑，就是讲女人只要皮肤白皙嫩润，拨人个第一眼感觉就是清秀端正，上海话讲起来“长得清爽相”。而甬种白雪雪个洋膏药就有甬种功效，热水揩一把面后挖一汨【dok，一点】朝脸孔上一搨，面孔马上会白起来，细腻起来，还会时隐时现散发阵阵香味。当然，甬种花头一般平民百姓是消受勿起个。但是上海个商家老早就懂得“女人个钞票顶好赚”铁律。早辣上世纪初，一些上海本土厂家就纷纷仿效生产甬种白雪雪带有香味个洋膏药，还特地起了老上海个名字——雪花膏，搭【和】“可口可乐”个译名一样，又雅又朗朗上口，易记易传。就迭能，第一代 Made in Shanghai 个护肤品问世了。其中以广生行（今家化厂）个双妹牌雪花膏及家庭工业社个“蝶霜”最广为人知。顶早个雪花膏外形是仿效美国个旁氏包装，绿盖白瓷身，后来精明个生产商分析了各阶层女性个需要，得出越是层次高个女性越是抗拒雪花膏忒香味浓烈个结论，上海人称之为“一股拗味道”。但一般小市民包括女工、保姆，从经济角度出发，自然一物多用最合适，越香越好，所以生产商以勿同颜色个盖头来区分同一牌子勿同成分搭勿同档次勿同香味个雪花膏，特别针对曹家渡杨树浦搭普陀个大白鸣钟一带个消费群，因为埃搭纺织厂比较多，女工集中，伊拉一般侪

欢喜香气浓烈个雪花膏。针对伊拉比较省俭个习惯，商家推出简易包装个雪花膏，譬如铁盒装。同样铁盒装个还分大盒中盒和迷你盒，迷你盒因为价钿相对较低，又譬如口红样方便携带而广受女白领搭女学生欢迎。还有大瓶零拷个，甬个辰光街头巷尾个烟纸店侪有零拷雪花膏，价钿就更加便宜。乃末对上海女性来讲，每日早夜汰好面搨一层薄薄个雪花膏，根本勿是啥个奢华之举。哪怕最简陋个小亭子间里，辣窗台或者五斗橱个一角，侪侪会看见有一面鸭蛋形个镜子，前面摆一瓶或者一小盒雪花膏。整个房间显得老老温馨个。严格讲，雪花膏只合适春夏季，秋冬就要用较肥润个膏体，后首来就有了“冷霜”“面友”搭可以除雀斑个“百雀羚”，迭个名字也取得好！商家亏本生意勿做，化妆品生产是一个流程，就像笃鸡汤，头潜个原汁原味，自然也卖得顶贵，大都拉大公司出售，然后一潜又一潜，落脚个就送到烟纸店做零拷，卖得最便宜。雪花膏造福了上海女人，伊拉享受了化妆个乐趣。只要揩一把热水面，搨好一层薄薄个雪花膏（上海人简称为搨油，外省人称为“搽香”），整张面孔就会生出光泽，生动精神起来了。

有段辰光化妆被视为资产阶级生活，不过雪花膏并勿禁止。当时冬天还用一种蛤蚧油来护肤，价钿也便宜。蛤蚧油个外包装用个是真个天然花蛤，要寻介许多大小一样个花蛤还真勿容易，现在想起来，某种程度浪比埃种瓶装或铁盒装个要金贵。倒是工厂女工自信十足，身浪带有一股雪花膏香，依然故我，特别一推进伊浴室，各种百雀羚冷霜友谊香脂夹着热腾腾个水蒸气扑面而来，现在想起来倒是一种十分典型个五六十年代上海女人味道。勒拉缺乏时尚个年代里，甬种强烈个香味反而点缀了阿拉单调个生活。到了60年代，一种香气比较清雅个面霜——柠檬霜问世了，伊个香味是柠檬味个，邪气淡，包装也老可爱，是浅淡色柠檬黄玻璃瓶浪同色个盖头，售价1块6角一瓶，从此我跟姆妈就跟伊结下不解之缘。改革开放后，美加净面市了，1.90元一瓶。后来，露美护肤霜问世，2.50元一瓶，还有啥个珍珠霜、银耳霜，迭个霜埃个霜，包装也越做越精致，品种也越来越繁多，价钿也越来越贵。勿过，令人感到欣喜个是，阿拉甬代人勒拉超市个货架浪，重新发现了年轻辰光用个护肤品——旁氏夏士莲妮维雅等。时过境迁，当年被视为高勿可攀个洋雪花膏，现在摆拉超市货架浪。从包装外观到香味实体，一点听没变，令老上海个外婆们真老朋友别来无恙之感。勿过现在个时尚姑娘对迭些老古董牌子是瞄也勿瞄一眼了。

市场浪世界大牌个化妆品琳琅满目，我勿晓得现在还有勿有零拷个雪花膏出售。甬个伴了阿拉几代上海人个老派雪花膏还存在哦？



搨香香

文 / 孔明珠

小辰光夜饭吃好，面揩好，姆妈会拿出来一瓶雪花膏，叫我过去搨“香香”。我用一只手指末头撬一小汨【dok】，左面一汨，右面一汨，搨拉面孔上头，再拿小手掌勒拉面孔高头搨开来。姆妈讲，小人皮肤嫩，冬天介，假使揩好面勿搨雪花膏，面孔老容易开皴个。就是面孔皮肤绷开，变成俗话讲个萝卜丝面孔，假使有啥事体勿称心，再一哭，眼泪水流拉上头，乃末痛是痛得来要死嘅！

老早仔市面浪物事花色品种少，记得雪花膏好像只有“友谊牌”一种，外面个纸盒子是黄颜色个，上面有金色个花纹，里向个瓷瓶子是玉白色个，摸上去冰冰洌洌【yin，凉】，盖头是绿眼色个。雪花膏个香味道勒拉我记忆当中老深刻个，到现在，几十年过去，只要一讲雪花膏三个字，一股带点俗气个香味就会得勒我鼻头前头升腾起来。甬个辰光，小朋友还听没专用个面霜，一家老小人人侪搨同一瓶雪花膏，身浪向味道侪一样个。

“百雀羚”是一种比雪花膏更加油个护肤品，宝蓝色个铁罐头，盖头高头个商标是黄颜色个，高头还有四只喜鹊，三只橘红色个，一只绿颜色个。铁罐头是扁平个，打开来里向有一张薄薄个锡纸覆盖盖拉油脂高头。用得小心个人，勿完全搨【xiao】

开锡纸，而是开一只角，挤【jhiao】一眼眼搨面孔浪向，再封起来，当宝贝一样，省省用用。百雀羚个罐头分大中小，买一罐小个放拉袋袋里，揩好面汰好手经常可以用，有眼像现在用个手霜。

我记得百雀羚个香味帮雪花膏比，更加刺激一眼，时髦一眼，大概是因为年轻人用得多个缘故；而雪花膏味道就比较温和，散淡一点个感觉。还有一种更加低端、普通额护肤品就是蛤蚧油了，小辰光阿拉还叫伊“哈利油”。蛤蚧油是装勒拉空蛤蚧壳里向再起迭个名字个，其实里向是凡士林加了一点香料做成个，老厚个膏状，里向个油膏就是蛤蚧壳个形状，高处像山峰一样，手挖上去蛮硬个，搨拉手浪要用点力气捉开来。咬合齿口也有密缝个，比较松，虽然蛤蚧油价钱便宜，但蛤蚧壳是天然个，香味老少，但是护肤个疗效倒是比雪花膏、百雀羚要好。冬天介手脚裂开了，搨其他物事听没用，只有蛤蚧油搨得好，袜子穿好，手套戴好，晒一夜再会愈合。

以上三种护肤品，侪是老上海人老早底介用惯个面霜，现在市面浪勿行【hang】了。但是有辰光出去旅游，勒拉边远地区小镇个柜台里邂逅迭些怀旧个物事，真个会激动得喊起来。

昨日我晒了床浪突然想起我个爷爷，每趟想念伊个辰光，我侪会有一个或两个新发现，勒拉我心里，伊已经变成一个更加立体个人。非常奇怪，甬个勿归归功于记忆，更要归功于伊留下来个甬些物事。

跟爷爷共同生活勒拉同一屋檐个岁月里，我始终相信阿拉之间有一种感受是相同的，然后一直延续，伊是温和个存在勒拉空气里个。后来我跟爷爷勿再住拉一道，但现实个感觉勿会这种感受就戛然而止，因为伊勿是实物。

伊去世后我去伊个房间，一个床边浪是奶奶个床，我躺勒拉爷爷过去晒过个眠床浪，床已经空了蛮长辰光，翻身看见床头柜浪摆了瓶规矩矩矩个小白盒子，甬也是我头一次真切个体会到啥个叫做恍如隔世。我拧开盖头摆到鼻头边浪闻，天花板泛起涟漪，一个五岁个小囡双手捧了小白盒子，毛衣里个静电让伊烦躁勿安，盒子里是润肤霜，甬种味道单去闻就显得艳丽，但配上爷爷皮肤上本来个味道就恰到好处。我躺勒拉埃搭珍惜个体会着甬种错觉，祈祷伊晚一眼离开。回忆里，挨个辰光个空气是透彻个藏青色，阳光又是橘黄个，伊拉连接勒拉一道，但时光流逝，一旦过去，任何关于甬段感受也就随波逐流个消失勿再，能够让人缅怀个无非是甬些岁月个累计所产生个力量，但是想要寻找，却无从入手。

勿晓得为啥爷爷个床头柜会放一瓶已经用完个润肤霜，奶奶把甬个瓶子叫做雪花膏。我想应该是奶奶买回来用个，接着爷爷也跟着用了起来，以至于伊拉房间里这股味道总是停着勿走。爷爷去世后，我去看奶奶，那股味道还是听没走。奶奶一个人在睡午觉，见我来了也高兴，立刻就起床了，想伸手去开床头柜上的灯，没够着，就对左边的空床说，“喂，你开一下灯。”我站在门口看着奶奶，闻着屋里淡淡个雪花膏味道，一种温暖个感觉会流淌出来。知了蝉鸣、阳光雨露、纱窗上结着个灰。记忆个魅力在于当依处勒拉其中，幻觉也变得真切，有一种亘古不变个稳定，蓦然回首却立刻烟消云散。

勿可否认幻觉是生活中勿可或缺个，但伊是需要媒介个。雪花膏个香味配上我爷爷奶奶皮肤个味道，构成了我童年个背景色。

童年个背景色

文 / 李元

沪语小词典

上海早期生产个、老百姓广为使 用个香型护肤油牌号，通常作面霜用。后首来泛指所有个香型护肤面霜。
普通话：洗好脸，涂点面霜，脸上不会开裂。

雪花膏【xikhogao】

上海话：面孔汰好，雪花膏搨眼，皮肤勿会得开裂。
解释：皴【cen】，读如“春”音。因受寒而皮肤细裂。《集韵》平声谆韵，七伦切：“说文：细皮起也。”



沪读码头

上世纪三四十年代，上海个马路浪向，到处侪能看到雅霜个广告。“雅霜”是中国顶早规模生产个化妆品之一，俗称“雪花膏”。产地勒拉上

海，并由上海“大陆药房”总经销。当时护肤品牌还有铁盒装个百雀羚搭红梅，雅霜已经算是奢侈品了，还有蚌壳油。埃个辰光，精打细算个女人会拿用光个空瓶子留到第二年冬天，再到百货公司去零拷雪花膏，迭能就感觉一直勒拉用。